

升菴長短句

升廣見短句三卷

嘉慶刊本

此書真摯實家用所都大學生疑和主心散作撰古戰場文正德年未廷試第種翰林後修撰等議
和德成源南著述款定外原初集不入四庫全集今惡亦未編入惟是閱者自當所廢長短句真集可
三卷除附借和老附刻書道一卷果病拾送二卷右冊外是珍微以下諸刻恰多心其三老於有嘉
靖庚午身定池南唐對序於外陽安王妻表丁酉初而金改版門生標偷釋定南華李夢雲刻

升庵詞集未收四庫未入附存太史全集八十一卷中亦未
編入惟天一閣書目有升庵長短句續集三卷玲瓏倡
初二卷附刻一卷樂府拾遺一卷右四雖無珍藏以下
諸刻却多正集三卷尤可寶也修甫從書攤上
購回喜而祀之齋頭通懸錢牀美摹太史畫像
題云先生像滇南有二本一在永昌鐵樹嶺作道士裝
一在大理寫韻樓作處士裝一在昆明陸爾玉家作
冠冕裝蓋晚年為弟子所摹存其官也茲摹晚

年本瞻像廣額疏髯眉目寬濶神采如生洵足與
此詞相輝映耳光緒辛巳

升菴長短句序



夫人情動於中而有言言裁於外而感
比乎節而成音孰非心也心之感物情有七焉
言之宣情聲有五焉音之和聲律有六焉
雖其舒慘厲厲唯嘽正變之感不同然皆性
也皆出於自然也是故非氣弗昌豪宕超逸昌
其氣者也非材弗達精深宏博達其材者也非
興弗融春容順適融乎興者也三者具而後
可以言詩矣升菴太史之寓南中也池南子嘗
過之既覲其輝而覽其芳矣太史不以池南

子之愚且闇也授以近稿池南子函歸雖磨吳
楚韓衛燕趙秦晉之間十餘年弗暇則已暇必
玩誦有知己交輒出示知己交嗜之無異池南子
之嗜也則相與評曰太史之詩殆所謂昌其氣
達其材融乎其興者乎所謂本乎性發乎情
止乎禮義而出於自然者乎古不暇論即今所
稱李空同何大復鄭少谷徐迪功薛西原孫太
初七子頡頏未知優劣然則太史固當世之雄
也池南子病歸伏枕席者阻門戶出門戶者阻
車池涵一水雲掩千山迂迴百里倏忽三年

太史者懸也。太史而不以池南予之迂且疎也。客
便輒通刺并以長短句投之。池南予恍如太史之
神交而默契也。讀之盡。且曰。金元部曲。淫龜妖
豔。其溺人也久。乃有黃鍾大呂。弔世之音乎。其思
冲。其情隱。其調間。遠悲壯。而使人有奮厲
沉寢之心。其寄意於花鳥江山。烟雲景候。旅
况。閨情。無怨怒不平而有拳。意。閑之念。得平
甚。氣歛。且村忘於興而。然者亦不知
其所以然矣。其晉魏以上古樂府。雖賸之流風
雅之變乎。知太史之難也。難。然代言紀事。

史職也與則謹嚴史體也
揚鴻烈銘之金石哉之族常
奚不可者顧乃孤吟苦調
嘯吟咨嗟於窮荒末實之
濱此謂之何哉抑聞之史
每語人曰池南子池南子
是能知詩者吾差有取焉
嗟予奚足以副教哉遂詮
次為長短句序

嘉靖庚子仲冬長至日晉寧池南詹鐸

升菴長短句卷一

臨江仙

紅塵鞍馬紅亭路天涯一望無窮長安日下楚雲東
鳴鞭楊柳陌分袂杏花叢○離拍易終人易散佳人
玉筋啼紅今宵明月與君同愁心聞淚鶴倦寢聽歸
鴻

池北池南新綠樹頭樹底殘紅多情休怨雨和風更
君元是客歸去自匆匆○悵望鴛鴦別浦蕭條翡翠
芳叢夢回香冷酒微中杜鵑聲不斷簾外月朦朧

鷓鴣天

寶樹林中碧玉流。西風又送木犀黃。開成金粟枝。
重插上烏雲。朵二香。○依繡閣。偏銀塘。廣寒宮裡白
雲鄉。迴砧橫笛聲初斷。墜露流風夜正長。

鷓鴣天 夜落金錢

曲閣飄簫一夜風。名花零落五銖紅。卜歡有信古今
夕。買賦多情出後宮。○朝暮朵淺深叢。翠帷絲障錦
薦櫳。漢江遊女愁多露。春在昭陽日影中。

浣溪沙

燕子啣春入画樓。鴉兒撼曉動簾鉤。一場殘夢五更
頭。○彩鳳梁中彈別調。錦鱗書裡訴離愁。相思相憶

多時休

南唐浣溪沙

灩波光綠似醅茸。草色嫩如苔。只有輕篴渾不
定晚還來。落梅村裡昏鴉遠。擺柳風前候鴈回。明
日新晴堪眺望。上春臺。

小秦王

立春

紅穗金花落絳臺。畫樓銀燭曉光催。釵梁彩燕雙雙
顫。春自玉人頭上來。

朝中措

經霜原草未全黃。綠葉映紅芳。野客爭誇稔歲行人

自笑炎方○却思京國狐裘貂帽雪洞羶房不識瓊
樓高處曝暄誰獻吾皇

思佳客

西苑

秋水澄清勝酒醅野烟籠樹似樓臺彈聲林鳥山和
尚寫字寒蛩水荻才○乘興去興闌回夕陽影裏記
徘徊正思脩禊明年約無柰鳴騶得催

御街行

柳花

城西楊柳千樹風起飛花絮青樓珠箔閑輕盈還
繞名園幽處滿地香球滿天晴雪捲却春歸去○遊
人歌吹堤邊路芳景須珍護眠閑青眼舞慵腰無計

使風流住百轉殘鶯一雙新燕九十春光暮

南鄉子 荊州元夕

玉笛送殘梅片、隨風入鏡臺、下新粧傳玩處徘徊
細臘尾春頭恨幾回○絲雨濕香街禁住花燈不放
閒悶上紫姑香火會遙猜紅豆音書甚日來

官柳動新枝萬縷黃金萬縷絲折贈行人千里去回
期莫待清霜葉落時○細雨妬芳姿禁住鶯翁與燕
兒待得晴明好天氣遲、花絮飛殘水滿池

芳草被金堤野燒紅餘綠正齊拾翠踏青新雨後萼
萼裙拂秋千綵架低○枉渚與西溪楚霧秦烟望轉

迷相伴王孫千里去東西胡蝶成團杜宇啼

清平樂

扁舟解纜春滿江南岸燈火街頭正月半客裏年華
又換○倚遍闌干影斜行人回首天涯沙市橋南草
色章臺寺裡梅花

雨中花 春寒

寒透水邊沙際暖在花心葉底掃雪樓臺收燈庭院
向晚朱門閉○綠額畫簾低拂地舞袖弓鞋渾未試
指冷金刀香溫翠被懶剪宜春字

西江月

寒塞轉 烽火青樓夜 綺歌一天明月鴈聲多
得邊愁無那 雲闕九重闔闔家山萬里岷岷獨愁
鄉思兩蹉跎梁甫狂吟誰和

轉應曲

雙燕雙燕金屋往來長見珠簾半捲風斜何處啣來
落花 落花落日莫長門寂寞

黃鳥黃鳥飛過花枝裏 綠陰 子初新流水斜陽

晚春 晚春晚望斷東城上苑

促織 聲近銀床轉急薰殘百合衣香消盡蘭膏

夜長 夜長夜露冷芙蓉花謝

青鳥青鳥來自十洲三島
樹頭梅蕊春催枕上殘粧
夢回夢回夢城角曉聞三弄

風入松 松達中遇雪

夢回燈燼旅衾單
鷄唱五更寒
一夜裡雪花飛徧曉
來時千里漫野色遙連
玉樹清光
明暎銀鞍
○行人休道路岐難
酒盞自須寬
一種風流堪畫處
溪橋兩漁竿樓上笛聲吹起
天涯梅蕊飄殘

點絳脣

雪暗江郊小燈孤館
長宵半
真珠酒豔凍作紅冰片
○曉窗驚回畫角聲
初斷南枝
曉梅開遍
誰見

風面

小重山

番馬屏風睡燕梁更籌何太促酒盃長花明月暗裏
餘香夢騰裊醉眼怯燈光○相憶阻橫塘今宵憑伏
夢到伊行玉山無賴隔巫陽天又曉胡蝶為誰狂

西江月

寒食清明過了牡丹芍藥開殘春光晚晚興闌珊
寂重門獨掩○素燭誰同夜飲添衣尚怯春寒欲晷
芳草向江干榆英楊花滿岸

南鄉子

油壁香車來自錢塘蘇小家行雨行雲曾未慣先誇
雙帶同心結不差。酒波紅霞銀蠟燒殘燕尾斜小
語低聲歸去也啼鴉風裏垂楊月隱花

如夢令

屏底歌殘金縷座上花催蠟炬春枕酒醒時又是綠
波南浦春去春去簾外溝溝微雨

少年遊

紅稠綠暗遍天涯春在誰家花謝蝶稀柳濃鶯懶
烟景屬蛺蝶。日長時起無情思簾外夕陽斜帶眼
頻移琴心慵理多病爲少年華

月中行

月華靜夜思悠哉寂靜滅紛埃窺人不待晝堂開圓
影隙中來○綉軒珠綴香塵滿重門掩露滴金苔洞
房未曉且棄徊清漏不須催

賣花聲 別金治卿

驟雨打新荷綠漲清波風蒲獵獵暎金莎池上玉尊
移晚興共倚林柯○莫惜醉顏醺聽我離歌長亭四
首碧雲多千里懷人思命駕何日重過

漁家傲

雲掩遙山掩翠雨聲急戰荷聲碎綠錦離坡紅錦

陸花葉背波間驚起鴛鴦睡。○海澱芳尊人共對碧
筒涼沁初消醉。濕烟香霧籠歸袂。聯玉轡。南風馬上
聞蛙吹。

如夢令

雲影月華穿過雨。意鍾聲敲破。洞戶捲簾時。飛透流
螢一個。孤坐。孤坐。白雪金徽誰和。

菩薩蠻

西風

鉛華浮沁涼波濕。翠罌分處鸞誰識。座上水晶寒。天邊
玉露圓。○瓊珠容易碎。紅子紛紛墜。屈指又西風。霜
藤卧晚叢。

烏夜啼 按雨

雨來江漲波渾浸沙痕淹過竹橋莎徑到柴門○孤
烟起千樹裏幾家村牛背一聲長笛報黃昏

漁家傲

昨日閒亭誰與共吸殘寒露水壺凍倒影雲峯潭影
空湘箔動茶蘼架底清香送○篆縷薰殘衣霧重黃
梅潤透紅綃縫枕上酹田池上夢開雪洞瑤琴一曲
江南弄

水晶簾外炎敲永紗厨斗帳空仙洞酪粉蔗漿分碧
甌瓊華奉玲瓏絃上傳囉噴○歌罷酒闌行雨送銀

金浴水煎金鳳嬾暗鬆松雲亂撫涼意動暗鵲團扇
生秋夢

清平樂

芙蓉秋水一陣西風起林落波澄如鏡裡樓閣參差
相倚○粉痕零亂紅芳闌干點綴清霜掩却團扇月
扇平湖昨夜新涼

臨江仙

江國梅花千萬朵白雲鄉裡溫柔笛聲幾度怨梁州
夢中雲滿樹醒後月當樓○正是相思春信早翠禽
啼破香愁一枝難寄隴西頭燕姬釵上見應是更風

流

玉水堤傷子樹柳仙宮還在人天是誰驢背尋詩肩
不如來飲酒傾倒醉吟邊○鳥跡畫簷時點綴珠簾
向晚風穿依稀竹上儘嬋娟黃昏圍畫出雲盡月重
圓

望江亭

梅蕊好冰出烟塵裏孤芳塵外色盈一朶掌
中春只少似花人

明月好流影浸亭華金界三千隨望遠雕闌十二遶
人來只是欠傳盃

晴雪好萬瓦玉鱗浮照夜不隨青女去羞明應為素
娥留只愁剝溪丹

蝶戀花

雲雨楚臺容易散斗轉星沉玉漏迢迢新別語未終
鷄已喚珊瑚枕上鉛華淡○剪一秋波燈下見淺笑
輕顰一似花枝顫屈指歸期重疊算多情翻作春閨
怨

清平樂

燈紅酒綠山掩圍屏曲何處蕭蕭風動竹好夢驚回
難續○月華冷浸霜華寒林驚起寒鴉道是天明尚

早小窗橫影梅花

金爐塵滿繡被薰香
烟此恨破心須酒
醺爭奈愁深酒淺
○多時絢斷玉空餘孤
鳳悲吟謾道鸞膠能
續來不是前音

長相思

十里亭五里亭長短
亭迤暮雨零離人不
忍聽○夢初醒酒初
醒夜半清寒入綺櫺
涼掩畫屏

荷葉盃

枕上一聲鷄唱天
亮

金中香銷翠被

寒麼寒麼寒

速寄音書一紙千里一字一徘徊淚眼愁眉不忍
來麼來 麼來

官中調笑

銀燭銀燭錦帳羅帷影獨離人怎語消魂細雨斜日
掩門 = 掩門掩盡寒城漏點

香篆香篆碧縷青烟不斷鴛鴦被底寒生雲母窗前
月明 = 月明月千里音塵懸隔

蝶戀花

土貌合教金屋貯天上仙姿謫在人間住九霞
曾相遇顰犀笑破櫻桃注。別來青鳥知何處

仙踪好寄相思句海月團圓生碧樹

去

好夢難成雲易散玳瑁筵前當日親曾見金盃

香醪勸朱唇半吐櫻桃綻別後佳期天樣遠

相思寸柔腸斷從倚畫樓千萬遍落梅庭院飄

霰

何滿子

通燕梅梁寒峭藏鴉柳岸春陰南國東風偏到早

消盡漏沉

紅滿試燈庭院青回草園林入眼

風光堪賞困人天氣難禁一枕柔情牽斷夢覺來慵

理琴心白雪新詞易闌碧雲舊約休尋

昭君怨

樓外東風到早淙得柳條黃了低拂玉闌干怯春寒
○正是困人時候午睡濃於中酒好夢是誰驚一聲
鷓鴣

賣花聲

春夢似楊花繞遍天涯黃鶯啼過綠窗紗驚散香雲
飛不去篆縷烟斜○油壁小香車水涵雲餘青樓珠
箔那人家舊日羅巾今日淚濕盡鉛華

回文菩薩蠻

梧桐蟋蟀偏助秋。蕭索粉壁紅高燈燼。落月在闌干
斜角。○千金一刻心期。楚雲湘夢。來時不見。桃花人
面空吟。桃花新詞。

天淨沙題畫

曉風香露樓臺長。紅小白。齊開笑。整鮫綃。雙帶拈來
戴滿懷。蜂蝶爭來。

宵一刻千金。水晶宮裏沉。二月如休教。如影離情
別恨人。問天上同心。

仕花影裏金波瑤墀。人。睡銀河。玉臂清輝無那纖。
攤破分明掌上嫦娥。

霜天曉角聲殘霞綃雪縷衣單依約宮黃書淺小梅
開遍咏花人倚闌干

好女兒

柳似腰肢月似蛾眉看千嬌百媚堪憐處有紅拂當
遙金蓮襯步玉筍彈碁○心事一春誰問同心結斷
腸詞嘆雙魚不見征鴻遠蕉心綠展櫻唇紅滿梅子
黃肥

錦帳鴛鴦繡被鸞凰一種風流千種態看雪肌雙瑩
玉簫暗品鸚舌偷嘗屏掩燈斜香冷回嬌眼盼檀郎
道千金一刻須憐惜早漏催銀箭星沉網戶月轉曲

廊

蝶戀花

名園雨過晨粧洗。綠葉倡條何處閑。桃李斜日簾櫳
風滿地。紛。又逐東流水。○搖蕩春心幾千里。欲綢
韶光喚取游絲起。燕懶鶯慵春有幾。丁香枝上含新
紫

青玉案

盈。春水挑根渡。芳信來何暮。青翰舟上錦鴛波
底。揔是關情處。○合懽新種中庭樹。相思欲寄南雲
句。為問佳期何日許。飛鴻洲渚。流螢院宇。銀漢雙星

渡

行香子

秋色蕭蕭。秋氣寥寥。漸江頭、露草萋萋。霜楓撼撼。風
柳條條。望水茫茫。舟泛泛。櫓搖搖。○虫語要。蝶夢
飄飄。問家山、蠶崖泖泖。魚波汭汭。鴈陣嘹嘹。但月溶溶。
烟漠漠。路迢迢。

臨江仙 戊寅南江陵別內

楚塞巴山橫渡口。行人莫上江樓。征驂去棹兩悠悠。
相看臨遠水。獨自上孤舟。○却羨多情沙上鳥。雙飛
雙宿。河洲。今宵明月為誰留。團圓。清影好。偏照別離。

卷

踏莎行 貴州尾灘驛元夕

羅甸林中新盤山下村燈社鼓元宵夜東風捲地瘴
雲開月明滿野寒星掛○白雪歌聲青錢酒價當年
樂事憑誰話寂寂孤館坐愁人小窓橫影梅枝亞

望江南

故園好最憶世畊亭樵斧丁二驚鶴雀釣絲嫺二立
蜻蜒百曲建長甌○來往慣蓬戶不教扁山屐過畦
穿嫩蘚野航移處破浮萍炬火晚焚二

故園好最憶力耕亭徑路喜逢樵叟活蹊田一任此

童經渾不限畦町。螺澗底鳴玉漱清泠。千里清風
來曲几。一方明月掛疎櫺。歌枕酒初醒。

故園好。最憶約耕亭。曲水流觴穿竹細。竒峰側島泛
花馨。喚作小滄溟。長夏日獨注。亦消停。仙醞一壺
傾綠醕。蠻牋十樣寫黃庭。落魄儘忘形。

故園好。最憶閱耕亭。流水兩池分麗澤。好山四面列
圍屏。脩竹繞青。松檻外鷺渚與鳬汀。茅屋不愁
經夜雨。草堂還喜帶春星。歌詠滿林坰。

故園好。最憶是恩波。月映漣漪天映水。霞翻菡萏露
翻荷。風景占偏多。茅屋小斜枕碧山阿。蕙冷松寒。

滇春好韶景媚遊人拾翠
鱗、能不憶滇春

東郊風嫋々采芳南浦

滇春好百卉讓山茶海上

千株光照水城西十里暖

烘霞能不憶滇花

滇春好翠袖拂雲和雅淡

粧堪入畫等閒言語勝

聽歌能不憶滇娥

滇春好最憶海邊樓漁火

天羅珊址渚酒旗風影蕩

東流早晚復同遊

浣溪沙

歐園離席与劉珥

如同賦

霧鬢風鬟晚雨收石城艇

一似新秋彎々月出掛城

頭○桃葉桃根牽別恨垂垂
垂柳絲離愁麗詞都付
雪兒謳

鷓鴣天 杜鵑花

水蝶岩蜂揔不知艷紅凝露
萬千枝石家錦帳遮金
谷王母霞幢照羽旗○香玉
獸彩雲移暖風晴日醉
燕脂山深春晚無人賞又見
啼鵲叫落時

鷓鴣天 雨中留別錢琴士

高閣遙岑送遠青倚闌高詠
有人聽子弦乍咽新雙
調卯醉難消軟半瓶烟漠漠
咄咄吟留君且住會心
亭謝公棊墅思同樂漁父江
竿笑獨醒

去愁眉淚眼一步一回頭團山路高橋渡揔是銷魂
處。清風明月好景成虛度重會在何時算只有夢
中相遇衾寒枕冷和夢也難成思千縷愁無數亂似
風中絮

生查子

金匱失玄參無約何時會爭道破揪枰心為佳期碎。
楊柳困三眠終日常如醉露泣纏枝花滿眼嬌情淚

又

兩朵活蓮花一對相思卦裙底耍鴛央巧筆難描畫
○春困步蒼苔背立秋千下心事倩誰傳花落西廂夜

江城子

丙戌九月

客中愁見菊花黃近重陽倍淒涼強欲登高携酒望
吾鄉玉壘青城何處是山似戟割愁腸○寒衣未寄
早飛霜落霞光暮天長戍角一聲吹起水茫茫關塞
多愁人易老身健在且踈狂

轉應曲

落葉落葉滿院西風時節秋聲攪盡琅玕秋雨催成
早寒○早寒早城角驚霜奏曉
江水江水昨夜風驚浪起眼看仕客歸舟腸斷狂人
淚流○淚流淚離恨江沙共碎

歸路歸路遙隔鐵橋銅柱樓頭秋霽無塵陌上愁看
去人去人去心斷千山碧惆
采菊采菊且醉尊前醺醺百分觥棹舡空萬慮銷沉
酒中中酒中酒又度客邊重九

臨江仙
寄劉建之

寄語東橋東畔柳且教留住行人與君相見印相親
忍看携手地外作斷腸津○莫唱闌干花霧曲溫永
剩有餘春明朝開索嶺頭塵相思千里外四首一沾
巾

柳梢青

東谷逸客登樓

朝雨輕陰掩藍筵水小碧遙岑南浦懷歸東橋送別
併起鄉心○高樓且共登臨愁思滿行盃謾斟黃菊
丹楓白蘋紅蓼何處家林

又
次選岑摠韻香姜夢廣揚從龍張木巽

異國先陰登龍憶孟泛漢陪岑一髮中原孤聚萬里
折盡丹心○雪殘垂歲將臨一掬淚離杯共斟紅佛
桑邊刺桐花底腸斷炎林

升菴長短句卷二

慶春澤

安寧心々

魚市笙歌螭川燈火又看滇海元宵剪二輕風綺羅
十里香飄彩雲影罩冰壺地人家在月戶星橋恣經
過一刻千金玉漏迢二〇柳金梨雪催春早歎他鄉
異節回首鳧銷今夜相思玉人何處吹簫錦江烟水
迷歸望綠琴心愁恨慵調夢回時酒醒燈昏月轉梅
梢

滿江紅

梨花

露重風香韶華淺玉林無葉誰剪碎瓊瑤滿園胡蝶

嬌淚一枝春帶雨粉英千片光凝雪伴秋千影裡月
明中傷離別○花在手腸如結人對酒情難說憶故
園遊賞清明時節今日相逢滇海上驚看爛燭開正
月更收燈庭院峭寒天啼鶯歇

江城子

滇南春似錦江春水魚鱗柳蛾顰千樹梨花、底草
如茵晴日暖風濃勝酒薰媚眼醉遊人○柔絲弱絮
軟紅塵惜芳辰倦游身啼鳥驚心何事喚歸頻不是
不歸、未得愁望遠淚沾巾

浣溪沙

玊樹三花惜共攀尊前又唱小陽關雛鶯學語喚春
還○桃葉渡頭流恨水綠楊亭上畫眉山酒醒人在
夢魂間

蝶戀花

天似禰枝輕似霧香燼燈昏夢入瑤臺路枕上眉山
重碧聚偎人若把離情訴○乞巧樓中携手處夜夜
相思今夕重相遇最恨五更留不住一帆風送高橋
渡

南歌子和王海月

黃鶴蓬萊島青鳬杜若洲愁人寂夜夢仙遊不信一

身流落向南州萬里家山踞三更海月樓離懷脉脉
思悠何日錦江春水一扁舟

巫山一段雲

背壁羞嬌影迴燈伏薄粧暗中惟覺繡鞋香解珮玉
丁當○好夢雲將結幽歡夜正長遲懶上鬱金床
故意惱檀郎

水龍吟 詠梅

漢宮嬌額塗黃風流早露春消息鉛華瑩雪冰肌照
水盈無力弄影輕顰向人微笑芳心誰識對珠簾
未掩綺窓半露嫣然一笑傾國○最恨昏黃月黑迷

花叢殺南枝北壽陽粧城羅浮夢斷春宵一刻鉞玉
誰溫燉脂自暖空勞相憶正香殘漏悄燈昏酒冷此
情何極

山花子

詠東坡同心山茶花

嬌。同心巧笑分妝霞紅綬藕絲裙軟翠柔藍擎不
定曉粧勻。醉露屏前雙朶。舞風庭下一羣。不
肯嫣然回一顧為思君

人

詠紅蓮同心小朵山茶

瑞雪晴林暮靄消錦雲香塢彩霞飄絕代佳人空谷
裡路迢迢。○鶴頂研砂添赤髓猩唇滯酒暈紅潮小

采心堪采擬當瓊瑤

鵲練子集句傷亂

花亞朵柳垂絲樓上風和玉漏遲春困苦多無處賣
甘長惟與睡相宜

風料峭月朧明滴破春愁壓酒聲猶有誇張年少處
醉聞花氣睡聞鶯

長寐真獨徘徊抱病起登江上臺萬戶千門春色閉
誰家桃李亂中開

銷午夢減春愁上盡重城更上樓日暮鄉關何處是
寒鴉飛去水悠悠

金碧岸錦香叢紅白花開烟雨甲今日乳離得是夢
共街塵起鼓擊

愁對酒懶看花病入新年感物上華萬里寂寥音信斷
山樓粉堞隱悲痕

漁家傲

千里有家歸未得可憐長作滇南客愁見陌頭楊柳
色傷遠別當年訪國會攀折○望斷鄉山音信絕那
堪烽火連三月夜々相思頭欲白心似結五更夢破
聞啼鴉

雜念詩二首

十年奔走向紅塵。何處可尋蓬島一抔青。
荒涼夢起。幻迹都如掃。七返還丹千熬大藥。
昧省難精。討殲霞伴。侶飄然遙在天表。
○長生酒。任仙村。誅茅賀厦。迴出曾雲杪。
翠水監岑渾不夜。紫府丹丘常曉。玉豉金鹽。
瑤英珠液。種。供難老。年龍莫懶。為我先耕。
章匏瓜河上。問津時。半夜朝光。歸晚鶴倦。
鸞慵行。且住誰遣。昌容迎。憶朝采。簾掀夜光。
杯舉留醉。青霞苑玉。額掩嬋笑。看泓水清淺。
○謫來塵世。何年青精紫萐。舊侶懷同。牽靈境。
壺天颿靄。隔座上玉書塵滿。赤鯉琴高。青鸞阿母。
問訊行當。反五潢。似鏡白榆。歷。秋

剪

浣溪沙

詠東坡時遺像
並推所製上有印記

南國何年桂女牋
藥黃金粉鬪芳妍
風流應自錦江傳
○佛幌烟煤猶自馥
蠻方文物也堪憐
為君重添古苔篇

沁園春

已正新正

甚矣吾衰歎天涯
歲月何苦頻催
素霜毛種二三千
盈丈丹心炯一
寸成灰
三徑秋荒五湖天遠
儒術於吾何有哉
君知否
野行雲不住
流水難回
○寂寥誰與徘徊
好事者惟輸麴秀才
昏花老眼
庭須窺牖

支離病脚最怯登臺思發老前人歸鴈後百感中來
強自裁狂歌好清風和我明月休倩

自壽一盃休行吟澤畔元坐山隈笑窮兵獨舞

唐子頤撰

樂行數皆伏一人獨舞于中央幕官幸殿笑曰何用寶兵獨舞

干戈載戢却胡長嘯鉛槧何

才歸去來子鳴乎老矣生入玉門何日哉新春好且

提壺沽酒共賞花開○催花擊鼓如雷酒色似蒲桃

初發醅任天河水瀉流乾銀汁月輪挂老撐破珠胎

島上紅雲洞中香雪醉倒花娘錦被堆與君約醉鄉

深處不飲休來

勸汝一盃關山道遠我馬崔嵬想玉堂金馬曾同官

貴竹離事舍也共塵埃事過眼前老來頭上卿不見
吾自疑哉故園好彩衣稱壽何日同回○天涯勸我
寬懷交潛債拔卿金雀釵笑孔肩薄首夫人書法嵇
心羊體仙子琴才道韞家聲黔婁夫婿此怨休將造
化埋六如偈打開夢幻新拜如來壽內

愁汝休來且天邊高寄地下深埋自戊申吾降酒星
正照章主師授酒誥蒙開若下烏程蘭生桑落行輦
都將兄弟排二豪者螟蛉螟蠃如我何哉○酒中興
豈無媒要月戶風亭白雪階况鸞腔鳳調浮丘按拍
霞漿金醴主毋添杯洞裏春濃壺中夜永童子休將

鶴駕催玄真侶
煩諸君為我築醉仙臺

醉書

瑞龍吟

古苑

東風峭誰倩水剪餘霞日烘殘照粧成窺宋東牆傾
城傾國嫣然一笑輕籠罩葉底烟開冉一枝頭春開
燕泥香裡斜陽酒旗映水天涯一棹○消息繁華誰
報記曲江池上長安古道愁落愁開雨橫風暴沈吟
無語時把朱闌靠知誰伴單衫露冷醉紅簷帽倚醉
狂歌浩恣盡是傷離調花艷為誰好春又晚可惜
華年空老關山迢遞故人難到

搆練子

新添嬾唱新翻阿鵲
盤儻角歌眉顰翠減
絨舌唾紅甜

欸殘紅

逌欸殘紅風沼縈新皺
有意惜餘春無計消長晝
香醪瀉玉窪瑞腦噴金獸
誰與共溫存
安莫黃昏後

移帶眼空只恁厭
瘦不見又思量見了還依舊
為問頻相見何似長相守
天生並頭蓮好結同藕
心藕

西江月

客裡家二美酒人生處二
楊州嬌歌聒帳醒扶頭年
少風流還有○世事今成白
首歸心已付東流替人

憔悴替人愁笑殺長亭古柳

天仙子

憶共當年遊冶樂。池塘深院落相親。相近不相
離。花下約柳下約。一曲當筵金落索。○回首歡娛成
甯。莫驚散。駕夾風浪惡。思量不合怨傍人。他也錯我
也錯。好段因緣生悞却。

人月圓

次大理海子

好風兩日相迎送。涵碧波平玉几雲。憑金梭。烟織
寶剎霞明。○邀散神仙。尋閑洲島上。小蓬瀛。海流東
逝。海天南望。海月西生。

誤佳期 壬辰元夕

今夜風光堪愛，可惜那人不在。臨行多是不曾留，故意將人怪。
雙木架秋千，兩下深。拜條香燒盡紙，成灰莫把心兒壞。

浣溪沙 集句

洞裏仙人碧玉簫，一渠春水未攔橋。綠窓虛度可憐宵。
沉麝不燒金鴨冷，障泥未解玉驄驕。長亭回首短亭遙。

天仙子 夢作

蓮葉為舟絲作

做

索渡口梅風歌扇薄，一聲留得滿

城春金鑿落銀鑿落醉裡不知離緒惡。別後那回
華表鶴一點芳心無處著雲中誰寄錦書來春病莫
人窮莫緣過汀洲生杜若

蝶戀花

足蘇文正公遺句

香頸垂雲眉倒暈珠翠叢中沒个他風韻浪蝶狂蜂
偏有分爲誰偷把紅綃印。錦字花牋難問訊一寸
相思只與黃昏近薄倖負人終不忿何時挑上分明
問

滿庭芳

感通寺贈承道寺揚伯清

環海烟霞冠山樓閣天涯萬里憑闌瑤臺高處攜手

躡飛鸞病起帶圍寬盡朱顏改青鏡羞看風情減傳
歌罷笑愁對酒杯寬○清歡曉牛背一聲牧笛雲散
漫問玄谷仙清水壺道石禪伯仙官庭下丁香樹子花
開後又見花殘從吾好土毫花裡一粒現金丹

浣沙溪

游威通寺贈水壺

病起思鄉太劇愁荒城無地可登樓仙人要我威通
遊○綠水似環縈島嶼白雲如帶繞林丘涼風先借
一介秋

柳絲槐黃放曉晴天公知我欲山行峰巒相顧亦多
情○玉樹臨風無柰寒水壺見底有餘清長生仙客

語無生

風入松

刺桐花裡咽新蟬方響落寒泉遠山凝黛倚蛾歛誰
粧點淡粉濃臙嫩水靴文威浪嬌雲卯色烘天○碧
池荷葉叉田田藕在阿誰邊蓮子擘開湏見意香絲
到底相牽留取團圓寶月西樓共醉嬋娟

柳梢青

李翁亭將軍席上

雨歇仙家香塵隨馬晚靄迎車玉樹歌春金屏笑夜
銀燭烘霞○流年兩鬢霜華且爛醉東籬菊花不學
江州青衫司馬淚滿天涯

滿江紅

霞雨翻雲紛、輕薄何須說。眼見兒曹富貴，灰消烟滅。百事有陰還有替，一毫無玷元無缺。把濁醪粗飯，任吾年看豪傑。○也莫羨炎如熱也，莫笑涼如雪。白掃蓬羅門巷，世情都隔。借問東華塵與土，何如南浦風和月。報山濤不用問，嵇康交情絕。

滿庭芳

勸東坡作

歸去來予半生岐路，天涯南北西東。人何慕造化，任冥鴻。曾是先朝執戟，今哀矣，白首楊雄。休點檢，並遊英俊，五相一漁翁。○丹衷舉頭望，長安萬里，一朶

雲紅把致君堯舜付與諸公贏得老身強健儘驅使
明月清風浣溪畔先生醉也拍手笑兒童

西江月

醞造一場煩惱只因此子恩情陽臺春夢不曾成枉
度雨雲朝暝燕子那知我意鶯兒似喚他名消除只
有話無生除却心頭重省

倚醉深闌朱戶嬌羞怕捧金觥背人彈淚繞花行唱
盡新詞嬾聽○揔是為郎調護當初枉道無情英雄
摩勒肯重生贖取佳人薄命

自有嫩枝柔葉何須補柳添花低聲昵語似雛鴉勝

斷東橋月下○香霧清輝何處春風今夜難家五花
驕馬七香車趁取小喬未嫁

玉指管生絃澁朱唇語顫聲羞動人一味是溫柔為
甚兩眉長皺○不慣秋嫵渡口乍離阿母地頭臨卽
太守最風流肯許鳳求皇否

木蘭花

遙鍾促漏難成寢殘月疎燈寒凜○鏡添華髮似愁
潘帶減腰支如病沈○玉簫塵鎖無心品故國經年
書斷錦欲尋石上一柯碁共醉山中千日飲

枚頭百舌寒猶噤病起心情無賴甚乍看南浦月名

娟記得東園花姓沈松肱不枕鴛與枕倚醉偎人偏
越恁如今懽悴背花眠只有餘香留燕窠

曉寒倦倚相思枕絲雨織愁欲愁綠楊橋畔覓誰
家油壁香車迎阿沈○莫教錯送田文錦密地重將
青鳥審流螢庭戶嫩涼天月許再圓花再品

浣溪沙

楚峽雲嬌宋玉愁汀花海藻繫蘭舟暈燈螢淚五更
頭桃葉桃根雙姊妹江南江北雨風流佳期好在月

明樓

天仙子

浪颭桃花風滾絮春色可能留得住四眸相顧兩埋
冤金齒路金馬路總是銷魂離別處○紅雀蜻蜓難
共樹紫燕伯勞相背去一翻新恨又從頭他也誤我
也誤孤館亂山愁日暮

菩薩蠻

大理晉寧寺中秋

花宮露下秋如水月明千里人千里莫上最高樓天
涯添別愁○一時今夕且共尊前醉蹤跡似飄蓬
明年何處逢

浣溪沙

何處春嬌晚暈多分稍新月淺檀蛾千金一斛帝青

螺○情淚亂拋二夢雲深鎖碧峨二細腰腸斷

掌中歌

玉胡蝶

梁生鎮園亭有蘭名玉胡蝶即席賦一首

胡蝶不隨春去玉英瑤蕊猶自娟二瀟灑水邊林下

洗淨朱鉛嬌娥采梁園月下青女降楚晚霜前更山

陰婆娑一老觴詠羣賢○當年紫莖綠葉紉華雄珮

故事陳篇何似今宵長歌石磴瀉紅泉醉歸去香携

滿袖似相逢解佩江仙散塵緣倚二一曲瓊軫冰絃

踏步行

甲午新春書成

異國光陰暮年羈旅鬢絲禪榻今如許羞將白髮留

青銅慵把酒霞烘綠醕○舊侶彫零新懽間阻東風
楊柳縈愁緒天寒獨立詠蒼茫銷魂正在斜陽處
白雪墻頭紅雲水面匆匆花事看一半去年花對斷
腸人今日有腸無處斷○蕭寺雙文巫山一段舊遊
回首空長歎曉屏燈灺峭寒天夢為遠別啼難喚

沁園春

自壽並謝鮑菴

初度今年遙集勾東丹壺洞天記京國俊遊築金臺
上鄉亭舊話濯錦城邊兩地萍蓬十年烟月欲往從
之如絆然今何夕灌堂花醉重對華筵○新陽窈窕
春妍綠萼梅花開最先况鳳侶滿揚州呈瓊齒龍媒

秦晉應在水泉畫裏蕭郎堯中畢叟絳帳風流群桂
仙上雲樂傾壺簫管白髮重玄

臨江仙

玉蕊娟 = 花灼 = 銀缸背解明璫唐雲輕雨拂高唐
不言惟有笑多媚揔無粧。却怪汝南鷄唱早行蹤
不辨回廊青苔幽徑落紅香寶釵寒掛月羅襪冷侵
霜

風入松

噴香瑞獸小粧臺只尺天台芭蕉不展丁香結閉春
心眉鎖難開銀燭燒燈過後金釵聞章歸來

徘徊花月可憐宵。天近人遙，有情芳藥含春淚。
時一枕無聊，玉母池臨翠水。雲英家住藍橋，
月牕花院，好風光謝女。檀郎朝暮，遙相望，帶人
嬌羅帶，留香青鳥，解傳消息，銀河不隔紅牆。

繡羅紅嫩，抹酥甯此夕。重逢妬雲恨。雨腰肢，裊暈眉
心，懶隨分紅蠟燭。寒籠翡翠，麝香暖度，芙蓉

南鄉子

紅葉隨流水，青梅出短牆。雅意屬檀郎。可憐人二八
好風光。

粉淚盈纖手，春愁占兩眉。細雨阻佳期。昨宵當此際，

恰來時

牕面秋千月墻頭舊舊風春事轉頭空酒醒人散後
拾殘紅

青鳥飛相逐烏龍臥不驚鏡約與釵盟月沈星欲墮
奈何情

月是巫娥伴花為宋玉隣遠似隔星津早知離恨苦
竟相親

燈下蠲紅紙花間擘綵箋腸斷寫新篇畫梁雙燕子
倩他傳

品娟玉釵梁灼花妙語似雛鴉有心來惱我

莫應他

片玉連城價千金一刻宵仙夢隔藍橋意中人不見
為誰嬌

浣溪沙

小歲新陽好物華句東春信到梅花斷鍾殘角又天
涯○酒面浮金添嫩蟻釵頭屈玉艷雛鴉暗香疎影
認林家

溟海明珠照永昌纖羅豆蔻減濃香蟻穿紅線帶盟
囊○已信春金仍應玉不愁轉紫復迴黃星橫洞戶
月侵廊

長相思

雨聲：夜更、窗外蕭、滴到明夢兒怎麼成。望
盈、盼卿、鬼病懨、太瘦生見時他也驚。

殿前懽感通寺贈承冰壺鍊師董西羽微君

問冰壺洞天還似此中無。留春長在和春住。月冷山
孤。願指瑤臺路。好把朱顏住不續。玄都賦吾今忘我
我亦忘吾。

枕西阿仙洲玉几對金梭。蒼山九點空中。顰影蘸煙
波。避暑雲端卧。愛月天邊坐。沽酒墻頭過。狂歌誰和
誰和狂歌。

虞美人

檀槽鳳尾龍香撥一串驪珠落風流傳粉媚何郎解
唱春風一曲杜韋娘○浴、陰鎖梨花院宋玉愁空
斷虛無只少對瀟湘却似滿城風雨近重陽

浣溪沙

巫峽行雲洛浦風秦樓西畔宋家東
滴春嬌淚雨濛濛○龜甲歌屏朝掩翠蛾眉
粧鏡晚窺紅窸窣門閉杏花叢

采蘭花

弓鞋一掬淩波迥內、盈、羞顧影擎茶步緩乳花

凝闌節歸遲苔露冷○雪皺雲鬆倩郎整羅帳燈昏
蓮瓣暝掌中無力搗瑣枝渴思半消殘酒醒

薄倖

碧鷄催曉正話別匆匆未了又咫尺銷魂橋上南浦
綠波芳草記昨宵醉褶羅襟玉山判為金樽倒愛皎
、當窓盈、隔水那箇人兒窈窕○白油壁香車去
後路遠西陵月悄恨同心帶緩露蘭啼歇多情却被
無情惱最索懷抱把雙、骰子重、喝采占佳兆桃
花有意前度劉郎未老

滇春好

寄李南夫錢節夫毛東鎮

聞夜鶴藻香萍暖下天鷺不羨懶雲窩

故園好最憶是昆江夾路青蘿藏古寺半林紅葉照
清涼烟社枕雲杠。霜景霽何處遠鍾撞扣月漁榔
寒軋。新年社鼓夜逢。幽夢起山窓

故園好最憶是龍門洞底漁舟藏夜壑山頭佛剎掛
朝曦暖。遠人村。登頓處蘿磴幾回捫簷葡林中消
永日松篁影裡蔭芳尊歸路已黃昏

故園好最憶是中洲宛在中央渾絕俗登茲四望可
銷憂丘壑擅風流。涼吹滿六月早知秋仙侶泛花
曾共醉野人刻竹記同遊何日問歸舟

雨中花 龍寶寺紫荆

一搦纖腰清瘦六幅輕紗紅皺粉熟香生態濃粧淺
正是愁時候蕭蕭風雨黃昏後雲濕仙衣寒透簾悄
窓間燈昏酒冷聽盡蓮花漏

鷓鴣天

乙酉九月

早歲辭家賦遠遊東西南北任萍浮熟知津路無勞
問慣聽陽關不解愁○臨遠水望歸舟流波落木又
驚秋多情黃菊休添淚且向尊前泛玉甌

驀山溪

送君南浦繫馬垂楊樹攀折贈行忍聽道一聲別去

又

恰喜高秋爽氣新，却愁秋月解傷神。
酒闌二十年前事，夢醒三千里外身。
楓葉岸，菊花津，且須動買阿寧春。
帳頭傀儡元來假，枕上邯鄲豈是真。
阿寧春酒名

臨江仙

水上生塵羅襪風，前束素纖腰。
陳王瞥見已魂消，妬雲開翠幃。
笑電閃紅綃。此去且留今夕，重來定約何朝。
西陵南浦路迢迢，徘徊花上月空度。
可憐宵

西江月

漫道蓬囊盛血，休言炭帚污人。
禪機仙術兩成塵，輸

與花門柳陣。被欲生稜夜永帶翻成結燈昏東園
桃李片時春不是少年風韻

巫山一段雲

紹途過雪

梅柳春相近關山雪正飛寒光朔氣冷侵衣玉塞隔
金微。久戍八將屯長征馬不肥帛書欲寄廬壺稀
羌節幾時歸

臨江仙

送劉珥江泊揚許

官柳野梅西郭路昆橋直接豐橋相思百里不辭遙
峇山同載酒月

南去北來人自悲憐

莫莫飛霜晚

千秋歲

壬寅新正三日壽內

瑤池阿母本是神仙侶謫向人間官府住攝提貞孟
月中子逢初度琅霄宴春而北斗斟雲醕。麟筆春
秋譜彤管毛詩語文洙泗闡鄒魯五福中天聚百表
從今數最難得芝蘭庭下玳瑁舞

好事近

煮茶進和蔡松年韻

綵線利如刀解破團圓明日蘭薪挂火筠鑪聽松風
翻雪喚取眠雲跋石人賽十洲三絕焚香朗誦黃庭
把肺肝清徹

霓裳序中第一

雨中劉琚江送鷓鴣詞

青霞裁霧縠正錦熬瑤潘碧澳水底鮫人織女當翠
房深處新粧乍沐塵消羅襪冷步盈、出鱗屋何何
許滯身瓔珞雲輶轉風轂。皎鏡全澄獨漉相掩映
荷裳菱服昨夜龍宮失曉也養天雞啓明傳旭啄糧
無半菽筭只有明珠滿腹江妃把金針穿玩遊與素
娥擁

浣溪沙

步徹香塵倚画闌叢頭合鳳尾交鴛金蓮蓮葉月雙
彎。宋玉東隣芳草軟江淹南浦落花乾抱雲勾雪

近燈省

浣溪沙

解唱隋家昔々鹽離亭別宴柳巷々遠山顰映翠眉
尖。○霄上恰嫌苦子小江都還笑寶兒愁斷腸春色
在江南

浣溪沙

脚上鞋兒血色羅掌上無力閑彎訛月牙新樣不爭
多。○弓藥欄邊穿窈窕柘枝筵下舞婆娑笑芙蓉帳裏
奈君何

浣溪沙

遠道明朝萬壑水華堂今夕九枝燈嬌歌婉管醉難
勝幻玉風流南北院飛瓊仙夢短長亭青樓回首
十三層

錦纏帶

集句

誰家紅袖倚江樓手捲珠簾上玉鈎眼波嬌溜滿
秋笑擡頭上花枝顫未休

升菴長短句卷三

六州歌頭

吊諸葛

伏龍高卧。三顧起隆中。割
風端坐舌。戰狙公。激公瑾。
江紅。烏鵲驚飛。虎踞蟻叢。
受詔永安宮。盡悴蒼穹。鑒
心匪石。氣凌虹。歲去志。年
五丈。屯千井。旗正正。鼓襲
巾。食槽司馬生魂走。死
氣填膺。多少英雄。
宇宙分星宿。借江東。祝東
手敬呼翼德。揮白羽。楚
地。炎焰重融。吞吳遠恨在。
忠。念行營草出。斷表
意。早成翁。目斷咸潼。時
天定。漢將星隕。那金縢。
遺弓。遣行人到此。千古

鷓鴣天

七月十八日舟宿淩川驛江
漸雨夕蕭然五鼓始寢
夢與劉善充賞海棠賦詞一
閱醒而忘其半爲足成
之意者春有歸期乎

錦地香霏纖雨絲
蟠花朧葉樂春姿
薛濤紅粉臨粧
怯周昉丹青點筆遲
同醉處
舊遊時
卷中似欠海
棠詞
酒徒雲散
佳人遠
孤館
殘燈
惱夢思

江月晃重山四闕
壬子立春

臘尾金杯灑
春頭彩勝翩
裁紅暈碧動
嫣然風
日好偷眼
艷陽天
一曲玉
明月幾絃
錦瑟華年

故鄉迢遞水雲連歸未得恩發在花前

金馬九重恩譴碧鷄二十春風江花江草每年同君
不見憔悴已成翁白髮戴花休笑紫顙說劍猶雄
欲賤心事向天公除美酒長醉玉壺中

屏翳烘雲韎鷄義和敲日玻璃韶風麗景畫橋西春
色早南國且黃鸝瀟灑樓閣繁華杏塢桃溪
多情楊柳露新萋堪一醉騎馬欲鷄栖

龍馬山前草長螳螂川上花開霜天曉角報春回傳
茶子先進盞寒杯金線紵、染柳玉英片、薰梅
流光容易把人催吾老矣何日賦歸來

菩薩蠻

楚雄春歸

來去無千里屏風萬疊青山裡
流水賽流霞桃花夾杏花
燕平芳草短一望春如剪
回磴是回程鶯聲報一聲

簡儂

恨个儂無賴嬌賣眼春心偷擲
蒼苔落花一雙先印
下月樣春跡閑氣不知名似仙
樹御香水邊韓國羅襦襟解聞
香澤雌蝶雄蜂東城南陌何人
輕憐痛惜窺宋玉隣牆巫山寧
隔尋覓覓又暮雲凝碧良夜
千金繁華一息楚宮眇眇留客
愛長袖風流重可

下缺

長短句跋

宋人無詩而有詞論比興則月下秦淮海花前
晏小山較筋節則妥帖以老排昇稼軒所以
擅場絕代也至元人明盛而詞又亡本朝諸公
於聲律不到心故於詞曲未數數然也高季
迪之扣舷劉伯溫之寫情號為琤琤矣吾
友升菴楊子乃至音神解奇藻天發率意
口占警絕莫及嘗語表曰李冠張安國六
州歌頭聲調雄遠哀而不傷于長短句中殊
為雅麗恨少有繼者乃援筆為吊諸葛

詞甚妥貼排界可並蘇辛而軋張李矣
表嘗評楊子詞為本朝第一而六州歌頭
在什菴長短句中第一楊子笑曰子豈欲為
稼軒之岳珂乎因跋茲集并附其語

嘉靖癸卯春正月望臨安王廷表書

升菴長短句序

太史公謫居滇南托興於酒邊陶情於詞曲
傳咏於滇雲而溢流於夷徼昔人云喫井水
處皆唱柳詞今也不喫井水處亦唱楊詞矣吾
聞君子之論曰公辭賦似漢詩律似唐下至宋
詞元曲文之末耳而不減秦七黃九東籬小山噫
一何多能哉或曰君子不必多能王右軍之經濟
以字掩李伯時之詩文以画掩公之高文大作毋
乃為詞曲所掩乎予荅之曰君子不必多能為

能未多而求為君子者言也若夫能已多矣
不必去其多能而後為君子也猶女子言在
德不在色為嫫母言可也若夫莊姜則柔義凝
脂螭首蛾眉固其自有也奚必亂髮壞形而
始為貞專哉觀者以是求之

嘉靖丁酉正月望日兩依居士楊南金序

門生樸榆韓宸拜書

門生南華李發重刻

升菴長短句續集

瑞鷓鴣詠柳

垂楊垂柳管芳年飛絮飛花媚遠天金繭抱春寒食
後玉蛾翻雪暖風前別離江上還河上拋擲稿邊與
路邊遊子魂銷青塞月美人腸斷翠樓烟楊柳有花
有絮詩古
此篇例始謬稱予之
篇始謬稱予之

柳稍青

酥雨才收猩紅謝館蛾綠秦樓忙殺東君牡丹纏脚
芍藥梳頭○藏鴉楊柳風流正好係斑駁紫騮窈窕
洲邊溫柔鄉裏莫負歌喉

巫山一段雲 暑夕

星的粧金靨雲梳綰寶鬢長蛾新月鬪彎環風度珮
珊珊○小玉香煤燼飛瓊扇影閒鱗霞練靄錦斑
畫出晚來山

鷓鴣天 基姬

紅袖烏絲羅寫詩翠娥銀燭笑談基鴈行布陣穿花
壘虎穴臨衝拔繡旗烽火劫羽書持東山樽俎捲淮
淝紫囊兒輩元能辨況有嬋娟出六奇

鷓鴣天

籬下黃花早已凋鏡中華髮不相饒清霜白露燭烟光

晚去鴈來鴻客路遙○香篆冷燭花消佳賓同醉可
憐宵都將壁月瓊枝句付與樽前薛小桃

鷓鴣天

重遊東岩寺壁間見韓飛霞題字

仙梵潮音水月堂曇花猶映墨花香舊園紅袖題詩
處曾指銀瓶索酒嘗○追幻夢憶踈狂春風宿草滿
平岡浮山夜壑巖丹夜檻外長江自渺茫

太平時

汴流納溪舟宿玉林寺憶昔劉參之與弟承
之梁騰實相送至此參之騰實墓已宿草感

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

愴賦此

回首徂征出塞前
甲申年故人相送蜀江邊
共留連
○廿載舊遊非舊雨
銷魂處晨星朝露各風烟
淚潸然

灼之花

誰把纖纖月掩在綳裙褶
鳳翠花明猩紅珠瑩蟬紗
雪疊顫巍巍一對玉弓兒
把芳心生拽
○掌上呈嬌
怯痛惜還輕捻戲
益含蓮齒痕斜印
凌波羅襪踏青
面露濕怕春寒倩檀郎溫熱

漁家傲

滇南月節

正月滇南春色早山茶樹、齊開了艷李天抵都塵
倒粧點好園林處、紅雲島○彩架秋千騎蒼筤水
絲寶料星毬小誤馬隨車天欲曉燈月皎碧鷄三唱
星回卯

二月滇南春嫵婉美人來去春江暖碧玉泉頭無近
遠香徑軟遊絲搖曳楊花轉○沽酒寶釵銀釧滿尋
芳爭占新亭館棗下艷詞歌纂、春日短溫柔鄉裡
歸來晚

三月滇南遊賞競牡丹芍藥晨粧靚太華華亭芳草
徑花餽釘羅天錦地歌聲應○陌上柳昏花未暝青

樓十里燈相映繁安塵香風已定沉醉醒提壺又喚
明朝興

四月滇南春迤邐盈々樓上新梳洗八節常如三月
裡花似綺釵頭無日無花蕊○杏子單衫鵝色髻共
傾浴佛金盃水拜願靈山催早起爭乞嗣蛛絲先報
釵梁喜

五月滇南烟景別清涼國裡無煩熱雙鶴橋邊人賣
雪冰碗啜調梅點蜜和鑽脣○十里湖光晴泛艤江
魚海菜鱸刀切舩尾浪花風捲葉涼意愜遊仙夢繞
蓬萊闕

六月滇南波漾渚水雲鄉裡無煩暑東寺雲生西寺
雨奇峯吐水椿斲處餘霞補○松炬熒○宵作午星
回令節傳今古玉傘鷄坡初薦俎荷芰浦蘭舟桂楫
喧簫鼓

七月滇南秋已透碧鷄金馬山新瘦擺渡村西南壩
口舩放溜松花水發黃昏後○七夕人家衣襖繡巧
雲新月佳期又院、燒燈如白晝風弄袖刺桐花底
仙裙皺

八月滇南秋可愛紅芳碧樹花仍在園圃全無搖落
態春莫賽玫瑰彩縷金針繡○屈指中秋餐沆瀣遙

岑遠目天澄派七寶合成銀世界添爽快涼砧敲月
勝竿籟

九月滇南籬菊秀銀霜玉露香盈手百種千名殊未
有搖落後橙黃橘綠為二友○摘得金英未泛酒西
山爽氣當窓牖髮挿茱萸歌獻壽君醉不水晶宮裡
過重九

十月滇南栖暖屋明窗巧釘迎東旭速傳麻香春甕
熟歌一曲酥花乳線浮杯綠○蜀錦吳綾薰夜馥洞
房窈窕懸燈宿掃雪烹茶人似王風動竹霜天曉角
肌生粟

十一月滇南雲幕野漕溪寺裏梅開也綠萼黃須香
趁馬携翠尊壺頭沾酒橋頭瀉○江上明蟾初凍夜
漁叢句好真堪畫青女素娥紛欲下銀霞洒玉鱗
陂徧鴛央瓦

十二月滇南娛歲晏家々玉餌雕盤薦安息生香朱
火醺檳榔串紅潮醉頰櫻挺綻○苔翠攪榆開夜宴
百夷枕粲文衾爛醉寫宜春情興懶粧閣畔屠蘇已
識春風面

清平樂

黃叔暘花菴詞選載李白清平樂二首太白

集不收惟見此其詞元是四首其二叔暘
以其語無清逸疑非太白之筆刪之今補其

二
君王未起玉漏穿花底永巷脫簪粧黛洗衣濕露華
如水○六宮鸞鳳駕央九重羅綺笙簧但願君恩似
日從教妾髻如霜

傾城艷質本自神仙匹二八承恩初選入身是三千
第一○月明花落黃昏人間天上銷魂且共題詩圖
扇後他日買賦長門

附太白清平樂二首

禁庭春晝鶯羽披新繡百草巧求花下聞只賭珠玑
滿斗○日晚却理殘粧御前閑舞霓裳誰道腰支弱
窈折旋消得君王

禁幃秋夜月探金牕鏤玉帳駕央噴沉麝時落銀燈
香炷○女伴莫話孤眠六宮羅綺三千一笑皆生百
媚宸遊教在誰邊

於中好元宵後獨酌

千點寒梅晚角中一番春信畫樓東收燈庭院遲遲
月落索秋千剪之風○魚鴈杳無雲重異鄉節序恨
匆匆當歌幸有金陵子翠竿清樽莫放空

塞垣瑞鵲唐詩以補唐曲

秦時明月玉弓懸
漢塞黃河錦帶連
都護羽書飛瀚海
單于獵火照甘泉
鶯墜燕闌年三五
馬邑龍堆路十千
誰起東山安石臥
為君談笑靜風烟

浣溪沙

風裡桃花一陣紅
一年春色又成空
可憐光景閉門中
○絕塞不知登覽興
故鄉惟許夢魂通
倚樓病眼送歸鴻

漁家傲

夏日晚起

鷄唱未圓天已旭
伯勞杜宇聲相續
殘月籠花風裏

竹眠未足千金難買臨明宿○葉上露華紛綴玉青
松雨後如膏沐思爽袂清來往獨幽徑躅休教踏破
苔錢綠

漁家傲寄李中溪仁夫

春色已隨銀樹去點蒼千里行雲暮四顆明珠行復
聚歌舞處鶴橋便是秋娘渡○青鏡紅顏容易去老
年芳景須珍護服食求仙多錯誤君記取九州大錯
休教鑄

折桂令

枕高岡坐占鷗沙看曉渡帆檣晚市魚蝦紅葉園林

黃花籬落白水簾葭望東寺雙浮佛塔指高峽一片
人家穩趁歸槎低岸烏紗滿酌村醪閑話桑麻

雙調翠樓吟代送大理蔡太守

月晃蒼山風清黑水花滿原鱗城雉燧松明夜火歌
未暮似成都市五華樓閣看五馬迎恩雙鴻送喜遲
遲斟行春金碧照春金紫○此邦宜有循良擁玉麟
銅虎旂旖旎葉榆難借冠望登仙香塵遙起攀轅處
正紅顏窺簾華顛臥軌畫圖外甘棠陰裏心馳千里
臨江仙寄簡西巒

西巒襟懷元洒落近來蹤跡何疏高峽一水不斯須

應同漁父飲醒眼看三閭○侍立小僮清似玉少陵
詩興何如遙岑遠目幾踟躕碧雲停杳靄明月幾虛
虛

浣溪沙 丙午十二月碧鷄閑路偏梅

為訪寒梅過野塘一枝斜出宋家牆團情團思媚韶
光○遊女弄珠臨漢水畫師綽絳學吳粧新詞休詠
舊昏黃

浣溪沙 簡西隣樓飲

瓊叟金盃六齒紅玉人美酒賽新豐憑陵大叫小樓
中○臨岸梅花驚照水隔江桺葉唱迴風明朝重醉

宋家東

西江月唐宮守歲圖

五柞宮中臘盡萬年枝上霜清沉香火底坐吹笙玄
圃樓臺不暝○蕊女金釵剪燭花奴玉導挑燈紅兒
酒渴嚼春冰忽報景陽鍾應

臨江仙丁未新正寄簡西巖

元日晴明人日接韶光
淋漓氣相仍梅鈿柳帶似相矜
花遊誰與共綺語老猶能○
一水盈盈遙望處團圓
寶月初升山陰剡曲興須乘
十千沽綠酒三五醉紅
燈

柳梢青杏花

暈雪融霞若烟非霧何處人家宋玉牆東文君壚下
占斷韶華○梅稍已罷橫斜柳條猶未藏鴉錦樹共
春瓊枝裊月留醉仙娃

憶王孫重宿祿品

落梅風裡玉鱗皴牛背寒鴉過別村樵笛聲中暮靄
昏掩重門翠被香寒酒正溫

憶王孫大理九日

滿城開遍粉西施節近重陽客未知
嬌涼風攪鬢絲倚樓時長笛聲莫遣吹

浣溪沙 高曉雨中喜簡西學至

短、軒窗小小、齋行吟坐嘯獨悠哉。愛閒能有幾人來。
○佳客新從雲裡至，好花多向雨中開。隔籬呼取盡餘杯。

西江月 觀蜀史檣杪王宗衍事

舞影金波月浸

王宗衍詩月明如水浸宮殿元人傳奇做之作月明如水浸樓臺

歌聲玉葉雲留

湛亦宗衍詩也益州風物似揚州卓

女燒春綠酎。○瓊樹何如錦樹。曾樓却賽迷樓。露桃

花下不知秋。正是酒悲時候。

賽天香

芙蓉屏外倒金樽滿座艷歌凝咽半面新粧香透幌
環珮珊、步怯接儼垂鬟低聲小語問採香仙妾柳
嫋花婷鶯、燕、標格○媚眼射注檀郎雙鴛金露
裙底淩波襪萬斛燕脂傾在水染就銀河一色天作
紅墻山為翠幙生把伊儂隔離菟牽夢回南浦涼月
沁春園送卞蘇溪歸叙州

歸去來兮羨公高致栗里堪齊記繡斧行邊風生貴
竹青油開府月朗雕題黑髮功名丹心事業卿棘公
槐行可躋問何事急流勇退力挽難稽○公言某豈
栖、奔走紅塵早歲迷況夜鶴帳中滇雲直吐春鶻

花底蜀日平西布鞞青鞋水邊林下尋壑經丘一杖
藜喜吾鄉散仙多侶勝日招携吾鄉綿州高禿屋
謝右溪成都許玉

林遂寧黃梓谷
皆耄老力求歸

錦鷓鴣三更一笛一聯胡仲父落梅之句也詞

人所稱予惜不見其全篇遂為足之

夢斷羅浮綽約聚玉龍鱗甲綴簾櫳自孤花底三更
月却怨樓頭一笛風○寒料峭曉蔥蘢勸君莫放酒
杯空雪兒清唱山香舞要把霜毛暈醉紅

升菴長短句續集一卷終

升菴長短句續集卷二

鵲鵲天

魏南山將軍別墅蠟梅

融蠟融。梳褪粉光。暈眉暈臉。學蛾妝。驚回花底三更。
夢別是風前一種香。○桃杏妬艾蘭。防幾番孤負月。
昏黃枝頭。要見青子。且放銀燈。伴海棠。葉桐岡。批
云。蠟梅何以及海棠。蠟梅元是海棠姊妹也。此翁戲
語。惟予知之。

鵲鵲天

與葉桐岡東城醉歸口占

窄窄紅蕖。艷襪羅盈。一笑滿。黎渦小槽。春滴金華。
酒纖月。風林玉樹歌。○香掩冉。影婆娑。戴花歸路似。

東坡相逢不盡踈狂興其柰星々白髮何

浣溪沙 高峽晚晴招簡西巒

雲露山尖水見沙生烟漠々樹橫斜晚來晴景屬詩
家○天碧遠粘千里草霞紅低綴一簪花謫仙橋上
望仙槎

浣溪沙 楊雙泉寄画扇

玉斧修成宝月團月中仍有女乘鸞釵橫髻亂不勝
寒○白兔樓頭風露迥碧鷄祠下水雲寬相思兩地
共憑闌

鷓鴣天 巧夕詠剪紅羅

玉露金風撼翠柯。國芳開到剪紅羅。燦如天女瓊花樹。麗奪仙郎瑞錦窠。○秋已透。夜如何。穿針樓上巧雲多。七襄共愛天機好。其柰流年一擲梭。

鷓鴣天 丁香花

一片紅雲簇帳天。翠綃雙捲出嬋娟。露凝孤塞燕支紫。日炙鴻門楚錦嫣。○香馥郁。影聯翩。金風璧月鬪明燭。散花天女同心結。莫惱維摩丈室禪。

浣溪沙 高曉滯雨

滿目風光戶不關。李成驟雨郭熙山。吾廬宛在畫圖間。○修竹墻頭過綠醕。丁香棚底醉紅顏。晚來一笑

破天慳

憶王孫九月八日邀客賞菊

西風庭院咽玄蟬薄霧濃雰採菊天老去悲秋強自
憐假嬋娟且向樽前醉管弦

浣溪沙落梅

徑轉梅橋燕尾分疎枝冷蕊照江濱玉龍鱗甲點波
紋○謝女黃昏吟作雪襄王清夜夢為雲餘香留與
醉紅裙

於中好已酉新春試筆

早歲登龍氣吐虹花磚紅采映青蔥西崑綸綽都經

手東壁圖書盡在胃○驚退鷁悔彫蟲烟波萬里一
絲風挑天杏艷村醪嫩方丈蓬萊是此中

落燈風

正月十七日留簡西巖

柳外落燈風乍起。杏靨海鈿紛隨盡。彩架閣秋千。紅
繩緊。香塵滿地。春一分休矣。○銀塘初暖。湔裙水。催
莫愁。蘭舟遙艤。沽酒趁梨花。聽雙歌。溫涼鄉裏。且住
為佳耳。此詞予自度曲也。

滿庭芳 夢中作

疎林暮鴉人歸古渡。鴈落平沙。青山隱隱。夕陽下。遠
水蘼葭。鴨頭綠。一江浪花。魚尾紅。幾縷殘霞。雲帆掛。

星河客槎萬里寄天涯

憶王孫落花集句

繡葩紅蒂墮殘芳。蝶醉蜂痴。一簇香。盧家少婦鬱金堂。對斜陽。雲雨巫山枉斷腸。

滿江紅 隱括潛夫詞憶李中溪種玉園梅

角寂鍾沉。清夢到羅浮翠麓。種玉園中同醉處。暗香猶撲。月落參橫。增悵望。天寒日暮。悲幽獨。訝隴頭不寄一枝來。繫心曲。○茅屋穗辭金屋。藜燭燄。羞銀燭。歎出塵風韻。背時粧束。爭羨東隣姬傳粉。豈知空谷人如玉。問揚州何遜有新詩。誰堪續。

喜遷鶯寄胡在軒且約高峽之會

東風如剪。早見芍藥。芳牙牡丹生卯。雕檻深籠。芳屏曲護。珍重春工猶淺。回首上林何處。金蕊玉房心懶。吟筆健。認香山白傅。徘徊華館。○看花君具眼。擊鉢詩成。刻燭無妨短。目送孤鴻。手提雙鯉。一水盈盈未遠。何日棠舟蘭棹。飛下雲濤千轉。日暮也。望昆明天外。碧雲初捲。

菩薩蠻

裊娜腰支渾似柳。碧花茗枕勞纖手。清書小橫陳。陽臺夢未真。○一聲鶗鴂暮。兩槩催人去。新月曲如眉。

黃昏悵望時

菩薩蠻

夢雲溶曳巫陽夜。蘭臺風起春寒乍。花鳥莫深愁。笙歌聊寫憂。○蛾眉梳墮馬。象口薰殘麝。濃睡帶餘醒。翠窓啼曉鶯。

鶯啼序 高燒海莊十二景圖

碧鷄唱曉。霞散綺。重關燈畫。環村步。幾簇生烟。空翠幻作仙界。菱草蕩。灣環洲渚。輕風送。幅蒲帆快。看舞鷗飛鷺。聯翩向沈寥外。○晴北須臾。雨信頃刻。問水椿山帶。樹羽颭。風展青帘。駁雲銷。睨日晒。浪花平。洛

神觀機紅粧湧出青羅蓋浮脩眉約略黛螺映盤鴉
髻海花汀藻文石錦沙綸組迎船絰漁火燄漣漪倒
影歸棹穿方罫蒲牢昏吼拙鷁結陣八村九寺鳴宵
籟提筠籃金線穿魚賣松燈點々互月彩卧玉塔浮
瀾素娥窈窕千態○翠巖深靄禪室僧歸杖錫微徑
隘月黑白林明處香軟寒輕惹茲缸中梨夢繁唄南
巒老松遙看晴雪似銀龍下斟玉瀝洗塵襟看得乾
坤大輞川何似吾廬海變春醪償風月債

木蘭花慢春日閒居寄簡西嶠

重三今日是寒食過又清明念故國關心歸期難卜

望遠愁生天。留烟霞勝處。滙平湖。列岫碧縱橫。花裡
筆床茶竈。松間漁影樵聲。○可人咫尺。喜逢迎。未往
片雲輕。看柳堤長綰。交塘歸棹。雙塔高城。長安水邊
不記。想綠珠碧玉。事堪驚。笑弄豚兒犬子。飽餐燕麥
魚羹。

滿江紅 詠菊效稼軒詞論體

喚醒靈均。為問餐秋菊落英消息。秋英元不落。妙筌
誰識。要悟靈均言外意。此花珍重。殊難得。待英蕤零
落。始供餐。休輕摘。○九月律。當無射。黃落盡。無顏色。
惟茲獨秀。冷露寒霜。側不肯。悠々隨宿莽。只將凜々

爭松栢。把九章橋。頌試同觀。方奇特。

醉蓬萊代壽黔國上公

看金波遙映玉鏡。高飛昆明池沼。近天上中秋人間。
蓬島建節堂深。籌邊樓迥。正雨晴風裊。青鳥喉歌紅
鸞掌舞。仙音繚繞。○白鶴南來。錦書為報。雲動三山
星飛五老。漢節唐符。拜重華天表。玉虎談詩金釵壓
鬢。向瓊枝齊禱。願歲歲長春年。此日忌波難老。
西江月 畫觀音壽意

金粟如來神影。青蓮居士新詞。普陀巖映八功池。宛
與昆明相似。○瑞靄錦雲團蓋。祥光寶月圓規。醍醐

乳酒注軍持聽取長生菑記

糖多令 中秋與二客泛舟

飛鏡露雲頭金波水面浮水晶宮今夜中秋喚取官
奴吹玉笛香霧濕錦雲畱○二客亦風流娘川泛小
舟問何如赤壁黃州坡老有靈應撫掌天地寄一蜉
蝣

一七令 舟中閱唐詩人王起李紳張籍冷孤楚

於白樂天席上各賦一字至七字詩以
題為韵遂效其體為花風月雪四首

花摘錦鋪霞邀蝶隊聚蜂衙金瓊漢女寶髻吳娃風

前香掩冉月下影交加曲水名園幾簇宜春下苑千
家北里金屏成坐笑南朝瓊樹不須誇

風偃草飄蓬過竹院拂蘭叢柳堤搖綠花徑飛紅紅
缸殘焰滅碧幌嫩涼通潦園篇中竿籟蘭臺賦裏雌
雄無影迫隨僊客馭有情還與故人同

月霜凝水潔三五圓二八缺玉作乾坤銀爲宮闕如
鏡復如鈎似環仍似玦蘭閨少婦添愁榆塞征人怨
別漢家今夕影娥池穆之金波歌未闕

雪凝明澄澈飛玉塵布瓊屑蒼雲暮同嚴風曉別深
山樵逕封遠水漁舟絕南枝忽報梅開北戶俄驚竹

折萬樹有花春不紅九天無月夜長白

鷓鴣天

雨中涼甚獨酌

爲喜新涼入酒杯自斟自勸自徘徊暑纔淨處雲先
合詩欲成時雨早催○吟草閱賦蘭臺江山金碧畫
圖開天教一片滇南景逐我多情萬里來

鷓鴣天

以茉莉沙坪茶送少岷

灌口沙坪摘小春素馨茉莉薦香塵要知貯月金波
味只有殢霞玉洞人○雲葉嫩乳花新冰甌雪甌却
盃巡清風兩腋詩千首舌有懸河筆有神

河漢

詠隋堤

東楚南浦。隋堤遊處。龍腦飛霏。明珠濺雨。綵女殿脚。
三千青娥。吳絳仙。○梅黃雨細。楓香老。江都好。忘却
長安道。不堪回首。芳魂已斷。迷樓怨。揚州。

酒泉子

避暑江山平遠亭招簡西巒不至

西巒不來。負却紅牆垂手。懶當歌。慵對酒。倦登臺。○
石城艇子。又空回。溪鵝一雙驚散藕。花汀桃葉岸。獨
徘徊。

升菴長短句續集卷三

西江月

瀘州發船王雲巢張萃客相送

莫道留春無計君來有計留春翠容烟黛隔花
顰隱隱遙山遠映○載酒春江畫舫題詩紅淚
羅巾江頭離別一何頻醉到柳昏花暝

花犯念奴

有序

司空南坦劉公元瑞卜居湖州寓慎帖云吾友
某公作高樓十餘楹諸文房服餌庖湏悉具樓
上數十年不下子登甲榜亦止於樓上叩頭麟
心慕之而不能構吾友文衡山爲圖一樓俾神

栖焉射陂朱子作清調曲七解所謂神樓一何
峻也并緘以示慎謂尻輪神馬正不須駕雲
綬霞墜亦何用樓乃隱括爲近調一闕以白石
譜花犯念奴按之可歌也

雲輶不輟地仙居多麗譙湖海廿年龍卧錦
清霄茗甫里筆床茶竈山陰楸枰方罨香稻
記昏朝醉鄉無畔岼北斗挹天瓢○樓中人誰
是伴有松喬靈文綠帙齊物與逍遙肯念草
玄寂冥暫遣喜公縮地風御驀琅霄闌干憑
到景共

和曉仙謠

鷓鴣天

戊申初度

宦海風波記昔年天涯青鏡感華顛過堂未悟
鐘將覺曉柱誰知壁偶全○周卦氣卜先天日
斜鼓缶月明前笑看太白成三影便是維摩不
二禪

鷓鴣天

壽張月鵠

綠粉名園暑燕開池紅水碧兩徘徊竹西仙叟
藏春塢蓮北詩人半月臺○三鳳兆八龍才不
論燕桂與王槐丹霞夾月華星出長照金樽映
寶罍

滿江紅

十一月六日魯泉董大守過宿高曉

王子回船還只是戴公無興試思之雪中林壑
瓊輝玉映佳客衝寒來半夜主人掃雪開三徑
便擁鑪命酒炙車螯才相稱○前古事休重詠
翻舊案行新令喚官奴秉燭肉屏圍定畫角吹
梅天未曉金釵剪燭人初靜更新詞一曲滿江
紅君須聽

駐馬聽

題搗練圖

香杵砧闌怨佳人搗素音廣除縣月空宇流
霜風滿涼襟雲鬢情掃辟寒金網絲團扇青鸞隱

坐見星沉寒鴉帶日來長信

四塊玉

高峽水泛夜歸

遠水明如鏡流螢點似星喜吾廬地偏人靜趁
漁燈歸來風露冷聽農談四隣相應

鷓鴣天

落葉

嬌、西風錦樹新一年芳意屬流塵莫辭雨滴
寒鳴夜曾抱花枝暖過春○蒲柳岫桺楓津琅
玕摧折感離人天津休問題紅怨香閣迴文翠
黛顰韓退之詩空階一片下瑋若摧琅玕

晝夜樂

中秋董太守席上

蟬郎川上清秋節爽襟懷消煩熱香醪桂馥蘭
薰官妓舞瓊歌雪五馬風流華筵設金屏燕頤
鶯頤軟語勸飛觴有如花蓮舌○座中豪興稱
三絕高陽並斜川埽且偕仙侶逍遙肯歎羣兒
圓缺未害廣平心似鐵看霜髻半成旄耄倩橫
玉叫雲把寥天吹徹

漢宮春

菊席

采采黃花向龍山高处淺泛金卮秋容老圃堪
賞插髻參差揚妃沉醉苧羅更比西施可笑羣
兒凡目品題却高姿○千古陶家清興有何

人提著冷落東籬炎皇曾書本草壽域仙粧明
堂月令挺孤芳四字標奇歌一闋悠然目適無
弦琴是心知

鷓鴣天

蓮池

紅玉花開綠錦池
碧筒金醴瀉芳卮
十三鴈足傳情徧
二八蛾眉度曲遲
○雲散後月明時
接離顛倒袂參差
良辰佳會應難續
風雨連宵惱別離

對玉環

丁卯年作追錄于此

風暖鶯嬌壓折海棠梢
雨散烟消輕攀楊柳條

帳飲灞陵橋送別長安道酒盡金貂去程千里
遙唱徹金蕉銷魂誰爲招

鷓鴣天

易門小飲

翠竿清樽旅思消酒樓斜映綠楊橋甕頭霞色
如粧面帘脚風流似舞腰○同醉處可憐宵障
泥未解玉驄驕青衫不濕江州淚已許狂歌托
聖朝

鷓鴣天

月下水邊棋影

斷角殘鍾半掩門誰招雪魄與冰魂羅浮夢裏
更三點花信風前第一番○溪綠淨月黃昏留

連檀板共金樽
襪塵波底香難賽
軫粟燈前玉
易皺

臨江仙

題春夜宴桃李園圖

桃李名園開夜宴
尊前燭影搖紅
璫枝璧月錦
簾櫳香寒心字篆
花暖肉屏風
○百歲光陰真
過客千金一刻難逢
高談幽賞興何窮
玉簫歌
一曲金谷酒千鍾

鷓鴣天

壬子元夕前高嶢海莊與王雲岩丘鴻
夫張子中李繼培小飲

蘇、春波碧海邊淹留佳客夜開筵未臨元夕
燈先試雖是貧家月也圓○歌宛轉舞蹁跹勸
郎行樂駐華年白頭未定西歸計愁聽空候蜀
國弦

鷓鴣天

北巖寺酒闌書感

戎旅今年四處家故鄉咫尺是天涯尋巢未定
身如燕覽鏡曾經鬢侶鴉○愁對酒懶看花青
衫老淚感琵琶側身天地無劉表徙倚闌干日
又斜

江城棹花引

夕宿江門

漏聲沉雨聲沉滴、空堦碎客心擁單衾擁單
衾病骨寒侵爭教不斷魂○靜聞櫪上嘶羸馬
巴童熟睡荒鷄啞旅遊難旅遊難白首衰殘何日歇征
鞍

一剪梅

戲簡西園宿杏花樓

宋玉牆頭杏子花香也堪誇艷也堪誇東風烏
外一枝斜問是誰家江上人家○肯信流年鬢
有華詩詠紅霞酒泛流霞低聲昵語似鷓鴣人
在天涯忘却天涯

浣溪沙

永寧病起將歸

聽徹晨鷄又暮鴉病來簾外即天涯明朝才得
問歸槎○客路縱遙終會到他鄉雖好不如家
江門春水照江花

浪淘沙

富順縣羅漢洞諸公相送

良會阻天涯水渺雲賒歸途喜見臘梅花又醉
當時羅漢洞一曲琵琶○浮客似浮槎到處爲
家魯峯高興更南沙有約肯來無宿諾細酌流
霞魯峯徐侍御世瞻南沙熊祠部叔仁也

黃鶯兒

夕宿懷德鎮夢中作寄陳節菴

呼酒濯離愁別同心三十秋飽諳世事慵開口

朱顏白頭瑤臺古丘英雄到此須回首問歸舟
雲朋霞友共結采真遊

天淨沙

題畫

曉風香露樓臺長紅小白齊開笑整整綃綃雙帶
拈來慵戴滿懷蜂蝶爭來惜花春起早

良宵一刻千金水晶宮裡沉沈月姊休教妬影
離情別恨人間天上同心愛月夜眠遲

桂花影裡金波瑤池倒映銀河玉臂清輝無那
纖纖攤破分明掌上嫦娥掬水月在手

霜天曉角聲殘霞綃雪縵衣單依約宮黃畫淺

小梅開遍咏花人倚欄干

弄花香滿衣

西江月 歐海蟾樓上

夜合庭前月照夕佳樓上春宵青燈的々夜迢迢
歌枕荒鷄未曉○杜曲愁濃酒惱沈園夢斷
香消倚門紅袖不須招不見盧郎年少

鷓鴣天

劉岷川母壽詞

王母西來青鳥迎瑶池翠水淺還清何如萱草
庭前茂又見倚蘭砌下生○羅甸國錦官城望
雲就日兩關情錦江化作長春酒笑對東風北
斗傾

瑞鷓鴣

集句 諫巫山高

望中孤鳥入銷沉宿處津亭楓樹林江草江花
豈終極巫山巫峽氣蕭森爲雲爲雨襄王夢愁
水愁風商婦心客去客來天地老無朝無暮有
猿吟

水仙子

觀競渡 句用鳥獸字

雨涼翡翠藕花浮風弄蜻蜓荷帶柔雲收蠓蜨
蘭漪溜奪龍標競鷁舟看猱兒爭勝誰休剛過
眼鶯花夢早驚心蟾桂秋怎不教鶴髮蒙頭

金衣公子

少岷翁送荔枝

香雨錦簾櫳喜名園荔子紅仙翁分贈丹霞洞
羅襦外封冰肌內融金盤玉枕纖纖奉剝春葱
涼生暑送高枕聽松風